



LVGDVNI BATAVOR.
 Apud Franciscum Hackium. Anno 1647.



ILLVSTRIBVS, NOBILISSIMIS,
& Magnificis Viris,

Celeberrimæ Academix Lugduno-Batavæ

CVRATORIBVS,

D. AMELIO BOVCKHORST, Domino de VVIMMENNVM, ex Ordine Equestri Hollandiæ, in confessu Præpotentium D. D. Ordinum Fed. Belgii Assessori, Rhenolandiz præposito, Aggerumque summo Præfecto, &c.

D. GERHARDO SCAEP, Equiti, Reipubl. Amstel. Consuli dignissimo.

D. CORNELIO à BEVEREN, Equiti, Strevelshoeckii, &c. Toparchæ, nomine Hollandiæ in confessu D. D. Ordinum Fed. Belgii Delegato, & Comitatus Hollandiæ in Australi parte Quæstori Generali.

Edel Uogio mayor del Archiduxo

Florentissima Reipublica LVGDVNO-BATAVÆ

CONSULIBVS,

D. ADRIANO à STAVEREN.

D. IOHANNI à GROENENDIICK.

D. IOHANNI VANDER MAERSCHE.

D. MAVRITIO VANDER A.

Amplissimo & Consulissimo Viro,

D. IOHANNI à VVEVELICHOVEN, Iuriconsulto, Reip. Lugdunensis Syndico meritissimo, Nobilissimis Academix Curatoribus à Secretis.

SVLPICII SEVERI OPERA OMNIA

D. C. Q.

GEORGIVS HORNIVS.



Uemadmodum nulla in terris augustior gens, quam Dei populus fuit; ita res ejus, Græcis ferè Latinisq; intactæ literis, majorem ab ipsa antiquitate, & scribentium inopia,



S V L P I C I S E V E R I
S A C R Æ H I S T O R I Æ
L I B E R P R I M V S.

Res à mundi exordio, sacris literis editas, breviter constringere, & cum distinctione temporum, usque ad nostram memoriam, carptim dicere aggressus sum: multis id à me studiose efflagitantibus, qui divina, compendiosa lectione, cognoscere properabant. Quorum ego voluntatem secutus, non peperci labori meo, quin ea, quæ permultis voluminibus perscripta continebantur, duobus libellis concluderem: ita brevitati studens, ut pene nihil gestis subduxerim. Visum autem mihi est non absurdum, cum usque ad Christi crucem, Apostolo-

rum-

S VLP. SEV. SACRÆ HISTOR.] Ita libri omnes quos vidi. Est tamen qui appellet. *Sulp. Severi chronicon.* Gennadius quoque hanc historiam significat, cum ait, *composuit & chronica*, id est, *in ætate.* Author is qui disputat Athanasii cum Ario in Latium convertit: *Sed si illud recolat, quod in Chronica sua b.m. Sulpitius Severus posuit dicens, duo Ario tanquam duo serpentes ex uno ore sibilabant, &c.* Porro autem precedentium nominum prius prænomen esse viderit, & posterius nomen pro-

prium. Sic enim certe dicitur Sulpitius Severus, ut Septimius Tertullianus, Angelius Prudentius, Decimus Aufonius, Sulpitius Pius, Aurelius Augustinus. Quamquam in Gennadio, *Severus cognomento Sulpitius.* Drusus.

Ad nostram memoriam.] Infra II. *Omne tempus in Stiliconem Consularem direxi.* Ergo ad annum fere cccc. Coll. Fl. Stilicone, & Fl. Aureliano, Imperatore Honorio. *Ibid.*

Efflagitantibus.] Flagitantibus. *Editio Coleman.*

SULPICI SEVERI

OPUSCULA,

Quæ complectuntur

VITAM B. MARTINI,

EPISTOLAS,

DIALOGOS.

SULPICI SEVERI

EPISTOLÆ.

A D

EVSEBIUM PRESBYTERVM,

Contra emulos virtutum B. Martini,

EPISTOLA I.

HESTERNA die cum ad me plerique Monachi venissent, inter fabulas juges, longumque sermonem, mentio incidit libelli mei, quem de vita B. viri Martini edidi, studiosque eum à multis legi, libentissime audiebam. Interea indicatur mihi, dixisse quendam malo spiritu fuscitatum, cur Martinus, qui mortuos suscitasset, flammis domibus depulisset, ipse nuper adustus incendio, periculosa fuisset obnoxius passio. O istum, quisquis est, miserum! Iudæorum in verbis ejus perfidiam & dicta cognoscimus, qui in cruce positum Dominum his verbis increpabant: *Alios salvos fecit, se ipsum salvum facere non potest.* Vere plane iste, quicumque est, si illis temporibus natus esset, & in Dominum hac voce dicere potuisset, qui simili sanctum Do-
mi-

AD EVSEBIUM PRESBYTERVM.] Lælius hanc epistolam superiori libro præmittit, & ad eundem Desiderium missam vult. cui adstipulantur tres mss. Lovanienses. Veram reliqui iidemque antiquissimi eandem Eusebio presbytero, postmodum episcopo, inscribunt, sumpto eodem hoc titulo ex verbis Galli Dial. 2. segm. 9. Quid, quod ex solo epistolæ argumento certa poterat fieri conjectura ad Desiderium non esse scriptam? Est enim perpetua querela de libello suo apud quosdam male audiente. Cujus quidem querelæ

tota culpa, in eo solo hærebat, qui ejusdem non modo nemini, sed etiam improbis copiam fecerat. Cur hic Desiderium eo nomine non accusat, ut epistola s. suam focum, quam non antestatione nuda, sed oborto collo quasi locis adstrictam ad tribunal prætoris rapit. Desiderio enim soli eum libellum ediderat, & ediderat non prodendum: quod & ille ita fore spondederat. Denique non nisi eraso frontis titulo, & suppresso auctoris nomine legi à quocumque voluerat. Atqui horum hic nulla mentio. Quæ sine dubio fuisset, si eidem Desiderio fuisset inscripta. *Gisl.*
Non

DIALOGI TRES.

DIALOGVS I.

De virtutibus Monachorum Orientalium.

CVM in unum locum ego & Gallus noster conuenissemus, vir mihi & propter Martini memoriam (ex illius enim discipulis erat) & propter sua merita carissimus, intervenit nobis Posthumianus meus, nostri causa ab Oriente, quo se ante triennium patriam relinquens contulerat, regressus. Complexi hominem amantissimum, exosculatique genua & pedes ejus, cum uno atque altero spatio quasi obstupefacti, invicem flentes gaudjo, deambulassimus: jactis in terram ciliciis confedimus. Tum prior Posthumianus me intuens: Cum essem, *inquit*, in remotis Ægypti, libuit ut ad mare usque procederem. Navim illinc onerariam offendi, quæ cum mercibus Narbonam petens, solvere parabat. Eadem nocte astare in somnis mihi visus es, & injecta me manu trahere, ut navim illam conscenderem, mox tenebras rumpente diluculo, cum eo loco, in quo quieveram, surrexissem, somnium meum ipse mecum reputans, tanto tui desiderio subito correptus sum, ut nihil cunctatus, navim conscenderem: tricesimo die Massiliam adpulsus, inde huc decimo pervenerim. Adeo prospera navigatio piæ adfuit voluntati. Tu modo, propter quem tot maria transnavigavimus, tantum terræ transcucurrimus, complectendum, perfruendumque te, remotis omnibus, trade. Ego vero, *inquam*, etiam cum tu in Ægypto morareris, totum semper animo & cogitatione

POSTHUMIANVS MEVS.] La- | stimavit Severum in Ægyptum pro-
bitur Reatinus Victorius in | fectum, cum ipse Posthumiani profe-
vita S. Hieronymi, qui exi- | ctionem narret. *Rosvvedus.*

Gallus